



**BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA / SREDNJOBOSANSKI KANTON
OPĆINA JAJCE**

**JU „Agencija za kulturno-povijesnu i prirodnu
baštinu i razvoj turističkih potencijala grada Jajca“**

ID broj: 4236431200005

Broj: 01.1-45-165/23

Datum: 21. 6. 2023. godine

Temeljem članka 100. st. (3) Zakona o javnim nabavkama BiH („Službeni glasnik BiH“, broj 39/14 i 59/22) i članka 40. Statuta JU „Agencija za kulturno-povijesnu i prirodnu baštinu i razvoj turističkih potencijala grada Jajca“, u postupku javne nabavke „Konkurentski zahtjev za dostavu ponuda za nabavku radova na izgradnji čelične montažne bine na lokaciji kod vodopada u Jajcu“, čije je obavještenje objavljeno 5. 5. 2023. godine, rješavajući po žalbi ponuđača „FCT“ d.o.o. Banja Luka, zastupanom po punomoćniku Željku Višiću, odvjetniku iz Banja Luke, zaprimljenoj u administrativnoj službi javne ustanove 19. 6. 2023. godine, direktor javne ustanove d o n o s i:

RJEŠENJE

I

Usvaja se žalba ponuđača „FCT“ d.o.o. Banja Luka, zastupanom po punomoćniku Željku Višiću, odvjetniku iz Banja Luke, na tendersku dokumentaciju broj 01.3-04-102/23 u postupku javne nabavke „Konkurentski zahtjev za dostavu ponuda za nabavku radova na izgradnji čelične montažne bine na lokaciji kod vodopada u Jajcu“, kao osnovana.

II

Po istom osnovu žalio se i drugi ponuđač, poduzeće „Gradprom“ d.o.o. Srbac, nakon čega je Ugovorni izmijenio tendersku dokumentaciju u skladu s odredbama Zakona o javnim nabavkama na način da je točka 14.1. tenderske dokumentacije promijenjena i sada glasi:

„Što se tiče tehničke i profesionalne sposobnosti ponuđači trebaju ispuniti sljedeće minimalne uslove: uspješno iskustvo u realizaciji najmanje jednog Ugovora čija je složenost ista ili slična predmetu ovog postupka javne nabavke, čija vrijednost iznosi minimalno 64.000,00 KM bez PDV-a, u prethodnih 5 (pet) godina ili od datuma registracije, odnosno od početka poslovanja ako je kandidat/ponuđač počeo sa radom prije manje od pet godina.“

III

O zahtjevu za nadoknadu troškova žalbenog postupka ugovorni organ će donijeti poseban zaključak.

IV

Ovo rješenje objavit će se na web stranici Ugovornog organa: www.agencija-jajce.ba istodobno s upućivanjem ponuđačima koji sudjeluju u postupku javne nabavke.

Obrazloženje

Ugovorni organ – JU „Agencija za kulturno-povijesnu i prirodnu baštinu i razvoj turističkih potencijala grada Jajca“ objavom obavještenja o javnoj nabavci broj: 400-7-3-15-3-3/23 od 5. 5. 2023. i tenderske dokumentacije na portalu javnih nabavki, pokrenula je konkurentstki zahtjev za dostavu ponuda „Nabavka radova na izgradnji čelične montažne bine na lokaciji kod vodopada u Jajcu“. U predmetnom postupku javne nabavke potencijalni ponuđač „FCT“ d.o.o. Banja Luka, zastupanom po punomoćniku Željku Višiću, odvjetniku iz Banja Luke, uložio je žalbu na tendersku dokumentaciju.

Nakon što je ugovorni organ utvrdio kako je žalba blagovremena, dopuštena i izjavljena od ovlaštenog lica, pristupio je razmatranju žalbe.

Žalitelj u žalbi navodi kako je točka 14.1. tenderske dokumentacije koja se odnosi na dokazivanje tehničke i profesionalne sposobnosti u suprotnosti s odredbama Zakona o javnim nabavkama i podzakonskih akata. Žalitelj ističe kako procijenjena vrijednost nabavke iznosi 64.640,00 KM bez PDV-a, a ugovorni organ kao uvjet sudjelovanja od ponuđača zahtjeva da imaju uspješno iskustvo u realizaciji ugovora najmanje vrijednosti 80.000,00 KM bez PDV-a, čime je, kako se navodi u žalbi, ugovorni organ postavio uvjet je kontradiktoran propisanim uvjetima iz članka 7. stav (4) Uputstva za pripremu modela standardne tenderske dokumentacije i ponuda.

Po istom osnovu žalbu je izjavilo i poduzeće „Gradprom“ d.o.o. Srbac, nakon čega je Ugovorni organ izmijenio tendersku dokumentaciju, te 2. lipnja 2023. objavio ispravku obavještenja o nabavci broj: 400-7-3-15-8-4/23. Ugovorni organ je 14. lipnja 2023. potpisao ugovor o izvođenju radova na gradnji čelične montažne bine u blizini vodopada u Jajcu te Osnovne elemente ugovora objavio na Portalu javnih nabavki.

Uzimajući u obzir navedeno, Ugovorni organ je žalbu ocijenio osnovanom i odlučio kao u dispozitivu rješenja.

Pouka o pravnom lijeku:

Protiv ovog rješenja može se izjaviti žalba Uredu za razmatranje žalbi BiH putem Ugovornog organa, u roku od 10 dana od dana prijema ovog Rješenja.

Dostaviti:

- Žalitelju,
- Ponuđačima,
- Službeniku za informiranje,
- a/a.

